



BOSNIA AND HERZEGOVINA
FEDERATION OF BOSNIA AND HERZEGOVINA
JUDICIAL POLICE

Broj: Sp-04-04/2-11-6-1876-20/25
Sarajevo, 14.07.2025. godine

Na osnovu člana 11. tač. e) i f) Zakona o sudskoj policiji („Službene novine Federacije BiH“, br. 77/20), člana 69. st. (1) tačka b) i (2) tačka d), a u vezi sa članom 70. stav (1), (4) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24), člana 28. Pravilnika o nabavci roba, vršenju usluga i ustupanju radova Sudske policije u Federaciji Bosne i Hercegovine, broj Su-Sp-18/23 od 21.02.2023. godine, a u vezi sa Odlukom o nabavci usluga, broj Sp-04-04/2-11-6-1876/25 od 29.05.2025. godine i preporuke Komisije za javne nabavke imenovane Rješenjem broj: Sp-01-11-4-456/25 od 11.02.2025. godine, direktor Sudske policije u Federaciji Bosne i Hercegovine, donosi:

ODLUKU

I

Poništava se postupak javne nabavke usluga popravaka, održavanja i čišćenja prostorija za potrebe Sudske policije u Federaciji Bosne i Hercegovine, pokrenut Odlukom o nabavci usluga, broj Sp-04-04/2-11-6-1876/25 od 29.05.2025. godine, iz razloga što nijedna od primljenih ponuda nije prihvatljiva.

II

Ova odluka objavit će se na web-stranici (www.sudpol-fbih.pravosudje.ba) Sudske policije Federacije Bosne i Hercegovine, te će se u skladu sa članom 70. stav (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) istovremeno dostaviti svim ponuđačima koji su učestvovali u predmetnom postupku javne nabavke.

III

Ova Odluka stupa na snagu danom donošenja.

Obrazloženje

Sudska policija u Federaciji Bosne i Hercegovine (u daljem tekstu: ugovorni organ), pokrenula je postupak javne nabavke usluga popravaka, održavanja i čišćenja prostorija putem konkurentskog zahtjeva za dostavu ponuda, donošenjem Odluke direktora Sudske policije u Federaciji BiH, broj: Sp-04-04/2-11-6-1876/25 od 29.05.2025. godine, Obavještenje o nabavci broj 32599-7-2-62-3-47/25 od 11.06.2025. godine, s namjerom zaključivanja okvirnog sporazuma na period od dvije godine.

U postupku predmetne javne nabavke Komisija za javne nabavke je blagovremeno i pravilno organizovala otvaranje ponuda, o čemu je sačinila Zapisnik sa otvaranja ponuda broj: Sp-01-11-6-1876-14/25 od 09.07.2025. godine.

Prema Zapisniku sa otvaranja ponuda za aktivno učešće u postupku dostavljena je ponuda ponuđača OKI UPRAVITELJ d.o.o. Sarajevo.

Komisija za javne nabavke za potrebe Sudske policije u Federaciji BiH izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda broj: Sp-01-11-6-1876-18/25 od 11.07.2025. godine, kojim je utvrdila slijedeće:

- da je pristigla jedna ponuda ponuđača **OKI UPRAVITELJ d.o.o. Sarajevo**. Ponuda je nepotpuna i ne ispunjava uslove tražene tenderskom dokumentacijom. Naime, ponuđač nije dostavio svu traženu dokumentaciju u skladu sa zahtjevima iz TD, odnosno dostavio je potvrdu o uspješnoj realizaciji ugovora čija ugovorena vrijednost (zbirno) je manja od procijenjene vrijednosti nabavke. Također, Komisija je utvrdila da je navedeni ponuđač dostavio e-mail korespondenciju u kojoj je zahtijevao izdavanje potvrda o uspješnoj realizaciji ugovora od 08.07.2025. godine, upućenu prema drugim

ugovornim stranama, uz koje nije dostavio izjavu ponuđača o uredno izvršenom ugovoru potpisanu i ovjerenu od strane ponuđača, te nije predočio dokaze o učinjenim pokušajima (više njih) da se takve potvrde osiguraju, kako je to zahtijevano tačkom 3.4. TD, a u vezi sa članom 48. i 50. Zakona o javnim nabavkama Bosne i Hercegovine ("Službeni glasnik BiH", broj: 39/14, 59/22 i 50/24).

U skladu sa naprijed navedenim, ponuda ponuđača **OKI UPRAVITELJ d.o.o. Sarajevo** je neprihvatljiva, te se u skladu sa članom 68. stav (4) tačka i) Zakona o javnim nabavkama BiH odbacuje.

Shodno naprijed navedenom Komisija je dala preporuku o donošenju odluke o poništenju postupka nabavke usluga popravaka, održavanja i čišćenja prostorija za potrebe Sudske policije u Federaciji Bosne i Hercegovine.

Komisija za javne nabavke će po konačnosti ove odluke pokrenuti ponovni postupak javne nabavke.

U postupku donošenja ove odluke je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, primjenom člana 69. st. (1) tačka b) i (2) tačka d) Zakona o javnim nabavkama ("Službeni glasnik BiH", broj 39/14, 59/22 i 50/24), riješeno je kao u dispozitivu.

Pouka o pravnom lijeku:

U skladu sa odredbom člana 99. i 101. stav (5) tačka c) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24), protiv ove Odluke može se izjaviti žalba ugovornom organu, u roku od 5 (pet) dana od dana prijema ove Odluke.

Dostaviti:

- **OKI UPRAVITELJ d.o.o. Sarajevo**, putem e-pošte kontakt@oki.ba;
- Sektor za pravne, računovodstvene i opće poslove (za objavu na web stranicu);
- a/a.



DIREKTOR

Glavni generalni inspektor sudske policije

Dženad Grošo, mr. iur.